

اونینگ گو جری نیوز بلیٹن مورخہ 9 مئی 2025

HEADLINES

- ۱۔ وزیر دفاع راج ناتھ سنگھ نے اج نئی دہلی مانہ ایک اعلیٰ سطحی اجلاس کی جس مانہ مغربی سرحد ور حفاظتی صورتحال تے بھارتی افواج کی تیاریاں غو جلا یزو لیو گیو۔
- ۲۔ سرحدی حفاظتی دستاں نے گزشتہ رات سانہ ضلع مانہ بین العوامی سرحد ور بڑی دراندازی کی کوشش نانہ ناکام بناد تو اس کاروائی مانہ کم از کم ۷ دہشت گرد ماریا گیا۔
- ۳۔ لیفٹیننٹ گورنر منوج سنہا نے اج اڑی غا سرحدی گراں غو دورو کیو، تانجے پاکستان کی بلا اشتعال گولہ باری تیں ہوو نقصان غو جلا یزو لایو جاسکے۔
- ۴۔ وزیر اعلیٰ عمر عبداللہ نے اج جی ایم سی اسپتال گو دورو لایو تانجے حالیہ گولہ باری مانہ زخمی ہون آلا غی خیر خیریت دریافت کی تے ان کیمپاں گو وی دورو کیو جت گولہ باری کی وجہ تیں بے گھر ہون آلا خانداناں نانہ پناہ دتی گئی ہے۔
- ۵۔ بھارتی ریلوے کی طرفوں موجودہ صورتحال غے پیش نظر جموں تے ادھمپور تیں خصوصی ریل گڈیں چلائی جارہی ہیں۔

DEFENCE HOME MEETING

وزیر دفاع راج ناتھ سنگھ نے اج نئی دہلی مانہ ایک اعلیٰ سطحی اجلاس کی جس مانہ مغربی سرحد ور حفاظتی صورتحال تے بھارتی افواج کی تیاریاں غو جلا یزو لیو گیو۔ اس اجلاس مانہ افواج اعلیٰ سربراہ جنرل انیل چوہان فوج غا سربراہ جنرل اوپندر دیودی فضائیہ چیف مارشل امر پریٹ سنگھ تے بہرہ غا چیف ایئر میٹلرل دینیش کے تریپاٹھی نے شرکت کیو دفاعی سیکرٹری آر کے سنگھ وی اجلاس مانہ موجود تھا۔ اسی دوران مرکزی وزیر داخلہ مات شاہ وی سرحدی حفاظتی دستاں سی آر پی ایف تے بی سی اے ایس غے نال میٹنگ کر رہیا ہیں۔

BSF FOILS

سرحدی حفاظتی دستاں نے گزشتہ رات سانہ ضلع مانہ بین العوامی سرحد ور بڑی دراندازی کی کوشش نانہ ناکام بناد تو اس کاروائی مانہ کم از کم ۷ دہشت گرد ماریا گیا بی ایس ایف زور لایو گے مطابق دہشت گردان غو ایکبرو گروپ سرحد پار کرن کی کوشش کر رہیو تھو جس نانہ نگرانی گا نظام غے زریوے پکریو گیو اس دراندازی کی کوشش نانہ پاکستانی رینجنران یوسٹ دندار کی جانب تیں فائرنگ غے زریوے مدد فراہم کی گئی تھی بی ایس ایف گا چونکا جوانان نے جوابی کاروائی کرتا واں دندار پوسٹ نانہ شدید نقصان پجایو۔

LG URI VISIT

لیفٹیننٹ گورنر منوج سنہا نے اج اڑی غا سرحدی گراں لگاما تے گنگل غو دورو کیو، تانجے پاکستان کی بلا اشتعال گولہ باری تیں ہوو نقصان غو جلا یزو لایو جاسکے۔ انہاں نے عام شہری علاقوں تے رہائشی گھراں ور پیش آلا اثرات غو معائنہ کیو ایل جی نے ضلع انتظامیہ مانہ ہدایت دتی کہ متاثرہ خانداناں نانہ فوری مدد فراہم کی جے تے ان کی حفاظت تے سلامتی واسطے تمام ضروری اقدامات کیا جیں۔ انہاں نے متاثرین غے نال تکجہی غو اظہار کیو تے کہیو حکومت ہر مشکل وقت مانہ عوام غے نال کھلی ہے۔ اسی دوران وزراء سکتینہ اتو تے جاوید احمد ڈار غے نال اڑی غا ایم ایل اے وی علاقہ مانہ عوام غے نال کھلی ہے۔ اسی دوران وزراء سکتینہ جلا یزو لے سکیں۔ اس تیں پہلاں وے سویرے بارہمولہ غا جی ایم سی اسپتال گیا جت انہاں نے زخمیاں کی خیریت دریافت کی تے یقین دوايو کہ ان غو بہترین علاج کیو جارہیو ہے۔

CM VISIT

وزیر اعلیٰ عمر عبداللہ نے اج جی ایم سی اسپتال گو دورو لایو تانجے حالیہ گولہ باری مانہ زخمی ہون آلا غی خیر خیریت دریافت کریں تے ان کی جلد صحت یابی واسطے دعا کی۔ وزیر اعلیٰ نے ان کیمپاں گو وی دورو کیو جت گولہ باری کی وجہ تیں بے گھر ہون آلا خانداناں نانہ پناہ دتی گئی ہے۔ انہاں نے متاثرہ لوکاں تیں ملاقات کی ان غا مسیال سنیا تے انہاں نانہ مکمل سرکاری تعاون کی یقین دہانی کرائی۔ انہاں نے حکام نانہ ہدایت دتی کہ تمام ضروری سہولیات فوراً فراہم کریں۔ وزیر اعلیٰ نے سانہ گو وی دورو کیو تے ات کیمپاں مانہ رہ رہیا لوکاں نال ملاقات کی کل رات پاکستان کی جانب تیں کی گئی گولہ باری تیں بعد، وزیر اعلیٰ نے اس بارے مزید اس طرح کہیو۔

DEPUTY CM RAJOURI VISIT

نائب وزیر اعلیٰ سریندر چودھری نے آج راجوری غو دورو کیوتانجے سرحدی گولہ باری تیں متاثرہ خانداناں سنگ ملاقات کریں تے مقامی انتظامیہ غے سنگ صورتحال غو جٹایو لیں اُنہاں نے گورنمنٹ میڈیکل کالج تے اس سنگ منسلک ہسپتال راجوری غووی دورو لایو تانجے اُت غی تیاریاں غو معائنو کیا جاسکے نایبوزیر اعلیٰ نے جاری سرحد پار غی گولہ باری غا نتیجہ مانہ زیر علاج زخمی شہریاں سنگ ملاقات کی تے اُنہاں نانہ مکمل تعاون تیروقت طبی امداد غی یقین دہانی کروائی اس موقعور زرّاع ابلاغ غا نمائندہ سنگ بات چیت غے دوران نایب وزیر اعلیٰ نے اس طرح کہیو۔

RAILWAYS JAMMU

موجودہ حالات غے پیش نظر بھارتی ریلوے نے جموں تے ادھمپور تیں دہلی واسطے دو خصوصی ریل چلایں جموں تیں چلن آلی ریل 04612 مانہ 12 عام بوگی تھیں جن مانہ بغیر سیٹ بُک غے سفر کیو جاسکے تھو تے 12 بوگی صرف سیٹبوکنگ آلا مسافراں واسطے تھیں ایک ہور 20 بوگیاں آلی وندے بھارت ریل ادھمپور تے جموں ہوتا واں بٹھانکوٹ غا رستہ تیں گزرتی وی روانہ ہوی۔ اس تیں علاوہ ایک ہور مکمل طور ور ریزروڈ خصوصی ریل آج رات ۷ بجے جموں تیں روانہ کرن غی منصوبہ بندی کی گئی ہے۔ آکاشوانی غا خبراں آلہ شعوبہ سنگ گل کرتا واں ایک مسافر نے اس طرح کہیو۔

GOVT ESSENTIAL SERVICES

حکومت ملک مانہ ضروری نظام تے خدمات قابل اعتماد تے موثر انداز مانہ چلان واسطے کوآپکسر نہیں چھوڑ رہی ہے حالیہ قومی سلامتی غے پیش نظر بکھ بکھ وزارت تے محکمہ قومی تیاریں تے بین الوزارتی ہم آہنگی واسطے کم کر رہی ہیں۔

SAMBA PEOPLE

سرحدی کشیدگی غے باوجود سانہ ضلع غی صورتحال مکمل طور ور قابو مانہ ہے انتظامیہ نے سرحدی علاقاں غا بسنیکاں جہیزہ سرحد اں ور آجڑیا ہیں نانہ محفوظ مقامات ور پناہ تے کھان پین غی ضروری اشیاء فراہم کرن گو بندوبست کیو ہے لوکاں نے بھارتی فوج تے حکومت ور اعتماد غو اظہار کرتا واں کہیو ہے جے وے خود نانہ محفوظ محسوس کر رہیا ہیں تے بغیر کسے خلل غے اپنی روز مرہ غی زندگی جاری رکھیاں واں ہیں اس موقع ور بولتاں واں لوکاں نے اپنا تاثرات اس طرح دتا۔

DEFENCE MEDIA ADVISORY

حکومت نے تمام زرّاع ابلاغ غا خبری اداراں انٹرنیٹ ور موجود سماجی میڈیا تے ویب سائٹ نالے تمام افراد تیں کہیو ہے دفاعی کارروائی تے حفاظتی دستاں غی نقل و حرکت غی لایو کوریج یا فوری رپورٹنگ تیں گریز کریں وزارت دفاع نے سماجی میڈیا ور پوسٹمانہ وزارت اطلاعات و نشریات غ اپہلا جاری کردہ سرکولر غو حوالو دیتا واں کہیو کہ اس قسم غی حساس تے زرّاع ور مبنی معلومات نانہ ظاہر کرنو آپریزن غی کامیابی نانہ متاثر کرسکے تے جواناں نانہ خطرہ مانہ پاسکت وزارت نے گجھ پُرانا واقعات جسراں کہ کرگل غی جنگ 11/26 حملہ، تے کاندھر ہائی جیکنگ غو حوالو دیتا واں دسیو کہ جلد بازی مانہ خبر دین تیں کس طرح غو نقصان ہو سکے۔

SCHOOLS CLOSED

موجودہ صورتحال غے پیش نظر تمام سکولاں کالج تے تعلیمی ادارہ جہیزا جموں سانہ کٹھوے راجوری تے پونچھ گا سرحدی ضلاع مانہ واقع ہیں پلک بند رہیں غا۔ یوہ اعلان تعلیم غی وزیر سکینہ اتو نے کیو ہے۔ حکان نے یوہ احتیاطی قدم طلبہ تے عملہ غی حفاظت واسطے چایو ہے کیونجے حالات کشیدہ ہو رہیا ہیں رہا شیاں نانہ ہدایت دتی گئی ہے مزید معلومات تے دوبارہ کھلن بارے سرکاری ہدایات غو انتظار کریں۔ اس غے نال ہی شہریاں غی نقل و حرکت ور پابندی عائد کردتی گئی ہے رہا شیاں نانہ کہیو گیو ہے کہ غیر ضروری سفر تیں گریز کریں۔

MINI SUPER BAZAR

ایک کاپریتو منی سٲر بازار ایم پی اے سی ایس میترہ جس نانہہ محکمہ امداد باہمی رام بن غی طرفوں
95 لکھ 42 ہزار روپیاں غی لاگت سنگ قًا م کیو گیو ہے غو کل عوامی خدمات واسطے باضابطہ طورور افتتاح
کیو گیو اس پروجیکٹ غو مقصد مقامی معشیت نانہہ فروغ دینو تے خود کفیل روز گار غا مواقع پیدا کرن
واسطے بنیادی سطح ور امداد باہمی اداراں نانہہ مضبوط بنانو ہے یوہ منی سٲر بازار عوام غی بنیادی اشیاء
ضروریات نانہہ منصفانہ قیمتاں ور فراہم کرے گو۔ ایسا امداد باہمی پروجیکٹ مقامی پیداوار گنندگان واسطے
منڈیاں تک رسا ی نانہہ بہتر بناویں گا تے معاشی ترقی پیدا کرے علاقہ غا کساناں غی وی معاونت کرینگا اس
موقعور بولتا واں کوپں یٹو سوساٹی رام بن غی ڈپٹی رجسٹرار پرینکا شرما نے اس طرح کہیو۔
